

basic education

Department:
Basic Education
REPUBLIC OF SOUTH AFRICA

NASIONALE SENIOR SERTIFIKAAT

GRAAD 12

AFRIKAANS TWEEDE ADDISIONELE TAAL V1

NOVEMBER 2017

MPUMALANGA

PUNTE: 120

TYD: 2½ uur

Hierdie vraestel bestaan uit 25 bladsye.

INSTRUKSIES EN INLIGTING

1. Hierdie vraestel bestaan uit VIER afdelings:

AFDELING A:	Leesbegrip	(30)
AFDELING B:	Opsomming	(10)
AFDELING C:	Taalstrukture en -konvensies	(40)
AFDELING D:	Letterkunde	(40)

- 2. Beantwoord AL die vrae.
- 3. Begin ELKE afdeling op 'n NUWE bladsy.
- 4. Trek 'n streep ná elke afdeling.
- 5. Nommer die antwoorde korrek volgens die nommeringstelsel wat in hierdie vraestel gebruik word.
- 6. Laat 'n reël oop na elke antwoord.
- 7. Gee besondere aandag aan spelling en sinsbou.
- 8. Voorgestelde tydsindeling:

AFDELING A: 50 minute
AFDELING B: 20 minute
AFDELING C: 40 minute
AFDELING D: 40 minute

9. Skryf netjies en leesbaar.

AFDELING A: LEESBEGRIP

VRAAG 1: TYDSKRIFARTIKEL

Lees die tydskrifartikel (TEKS A) hieronder en beantwoord die vrae.

TEKS A

SUID-AFRIKA SE GROOT VYF

- 1 Agter op ons geldnote is daar 'n renoster, olifant, leeu, buffel en luiperd. Dit is die Groot Vvf.
- 2 Die Groot Vyf is uniek aan Afrika. Suid-Afrika is een van elf Afrikalande waar ons die Groot Vyf kry. Ons kry hulle ook in lande soos Botswana en Zimbabwe.
- 3 Grootwildjagters het die naam "Groot Vyf" aan hierdie vyf diere gegee. Hulle word so 5 genoem omdat dit moeilik is om hulle te jag. Die naam het niks te doen met hoe groot die diere is nie.
- Die **leeu** is die "koning van die diere". Leeus is groot en is deel van die katfamilie. Hulle pels is kort en geelbruin. Die mannetjies het groot maanhare om hul nek en skouers. Leeus bly in oop gebiede. Dis hoofsaaklik die wyfies wat jag. Hulle jag saans as 'n groep.



10

5

Met sy logge liggaam en groot, flappende ore, is die olifant die grootste van die Groot Vyf. Een van die olifant se kenmerke is die gespierde slurp. Die olifant gebruik dit soos 'n hand om blare, plantwortels, vrugte en water na sy mond te bring. Olifante het ivoortande wat diep in die kopbeen vassit. Dit is baie groot snytande wat regdeur die dier se lewe aanhou groei. Daar word baie geld vir hierdie ivoortande betaal.

6 **Renosters** is groot diere wat in Afrika se grasvelde en berghange voorkom. Die swartrenoster en die witrenoster se bekke verskil, maar albei het twee neushorings en baie dik velle. Renosters word vir hierdie horings gejag; daarom is daar min renosters oor.



20

15

7



Buffels is groot en sterk en eie aan Afrika. 'n Tipiese kenmerk 25 van buffels is die horings wat 'n helm oor hulle voorkoppe vorm en tot een meter lank kan word. Daar is baie mense wat sê dat buffels meer jagters in Afrika doodmaak as enige ander dier. As buffels gewond is, is hulle baie gevaarlik. Hulle lê mense voor en val hulle aan. Geen wonder onbeskofte en nors mense word buffels genoem nie!

4 NSS (Mpumalanga)

Die **luiperd** is ook lid van die katfamilie. Sy bleekbruin pels het swart vlekke in die vorm van gebroke sirkels. Party is donkerder van kleur, terwyl ander heeltemal swart is. Luiperds is goeie klimmers wat dikwels apies in bome sal bekruip. Luiperds is nagdiere en baie skelm. Daarom is dit moeilik om hulle te jag. Hulle is skrikkerig vir mense en sal eerder vlug as om aan te val.



35

- Dit is gevaarlik om die Groot Vyf te jag. Jagters hou daarvan om hierdie diere te jag, want dit wys dat hulle goeie jagters is. Hulle het lisensies nodig om hierdie diere te kan jag, maar baie mense jag onwettig. In Suid-Afrika is veral die stropery ("poaching") van renosters 'n groot probleem. Daar word baie geld gebruik om onwettige jag te stop, maar pogings is nie altyd suksesvol nie. Dikwels word die diere doodgemaak, die horings word uitgekap en dan word die karkasse net so agtergelaat.
- 10 Suid-Afrika en die Groot Vyf is byna sinoniem. Baie buitelandse toeriste kom 45 hierheen om hierdie diere te sien. Ongelukkig is daar al hoe minder olifante, renosters en leeus. Suid-Afrikaners sal moet saamwerk om te keer dat hierdie diere heeltemal verdwyn.

[Verwerk uit Mieliestronk.com]

1.1 (1) In hoeveel Afrikalande kry ons die Groot Vyf? 1.2 Waarom is die volgende stelling ONWAAR? 'n Mens kan die Groot Vyf oral in die wêreld sien. (1) 1.3 Watter TWEE diere van die Groot Vyf is lede van die katfamilie? (2)1.4 Hoe weet ons dat leeus tropdiere is? (1) 1.5 Skryf EEN WOORD uit die teks neer wat sê dat die olifant se liggaam groot is. (1) 1.6 Waarmee word die olifant se slurp in paragraaf 5 vergelyk? (1) 1.7 Watter TWEE soorte renosters kry ons in Afrika? (2)1.8 Kies die KORREKTE antwoord tussen hakies. lemand wat 'n buffel genoem word, is iemand wat (mense sleg behandel/ baie groot en sterk is). (1) 1.9 Waarom is die volgende stelling ONWAAR? Luiperds jag net op die grond. (1)

Kopiereg voorbehou

1.10 Kies die KORREKTE antwoord. Skryf net die vraagnommer (1.10) en die letter (A–D) neer.

Waarom hou jagters daarvan om die Groot Vyf te jag?

- A Die jagters kry baie geld vir hierdie diere se velle.
- B Dit is vir jagters 'n uitdaging om hierdie diere te jag.
- C Ander mense is bang vir jagters wat groot diere skiet.
- D Dit is die vyf grootste wilde diere.

(1)

1.11 Voltooi die sin hieronder met 'n WOORD uit die teks:

Mense wat onwettig jag, jag sonder ...

(1)

- Daar word baie geld gebruik om onwettige jag te stop, maar pogings is nie altyd suksesvol nie. (Paragraaf 9)
 - 1.12.1 Behalwe om geld te spandeer om stropers te vang, wat kan nóg gedoen word om die onwettige jag van renosters te stop?

(1)

1.12.2 Hoekom, dink jy, hou die stropery nie op nie?

(1)

1.13 Lees weer reël 42–44.

Hoe weet ons dat renosterstropers die renosters nie doodmaak omdat hulle die vleis wil eet nie?

(1)

1.14 Kies die inligting in KOLOM B wat by die diere in KOLOM A pas. Skryf net die vraagnommer (1.14.1–1.14.5) en die letter (A–F) neer.

	KOLOM A		KOLOM B
1.14.1	Leeus	Α	Hulle groot snytande hou aan groei.
1.14.2	Olifante	В	Die twee tipes se bekke lyk nie dieselfde nie.
1.14.3	Renosters	С	Hullo maak baja jagtora dood
1.14.4	Buffels		Hulle maak baie jagters dood.
1.14.5	Luiperds	D	By hierdie diere kan 'n mens duidelik die verskil tussen mannetjies en wyfies sien.
		E	Hierdie diere se sterte het geen hare nie.
		F	Hulle hou nie van konfrontasie met mense nie.

 (5×1) (5)

1.15 Kies die KORREKTE antwoord. Skryf die vraagnommer (1.15) en die letter (A–D) neer.


Hoe bring die Groot Vyf geld vir Suid-Afrika in?

- A Die Groot Vyf se vleis word oorsee verkoop.
- B Toeriste kom na Suid-Afrika toe om die Groot Vyf te sien.
- C Die Groot Vyf se velle, tande en horings word verkoop.
- D Televisiekanale betaal geld vir programme oor die Groot Vyf. (1)
- 1.16 Waarom is dit 'n goeie idee dat die Groot Vyf agter op ons geldnote is? (1)
- 1.17 Wat het jy uit hierdie artikel geleer? (1)

TEKS B: VISUELE TEKS

Bestudeer die teks (TEKS B) hieronder en beantwoord die vrae.

TEKS B



[Verwerk uit Grafika 24]

	TOTAAL AFDELING A:	30
1.23	Waarom word hierdie teks 'n visuele teks genoem?	(1)
	A Fabrieke B Elektrisiteit C Myne D Boerdery	(1)
	Watter sektor sal die meeste water bespaar as Suid-Afrika gedurende die jaar goeie reën kry?	
1.22	Kies die KORREKTE antwoord. Skryf net die vraagnommer (1.22) en die letter (A–D) neer.	
1.21	Wat is die doel van hierdie visuele teks?	(1)
1.20	Watter persentasie water word in huise gebruik?	(1)
1.19	Wat stel die simbool voor?	(1)
1.18	Waarvoor word die minste water gebruik?	(1)

AFDELING B: OPSOMMING

VRAAG 2: DINGE OM TE ONTHOU AS JY GESOND WIL LEEF

- Som die SEWE dinge wat jy moet onthou as jy gesond wil leef, in SEWE VOLSINNE op.
- Skryf die volsinne PUNTSGEWYS en in jou EIE WOORDE neer.
- Nommer die volsinne van 1 tot 7.
- Jou opsomming mag nie langer as 60 woorde wees nie.
- Dui die KORREKTE getal woorde aan die einde van die opsomming aan.

TEKS C

Jou liggaam glo wat jy dink. As 'n mens positief is, hou dit jou liggaam gesond. Fokus dus op positiewe dinge.



Maak seker dat jy elke nag genoeg slaap. Dit sal jou help om beter te konsentreer. Jy sal ook beter onthou.



Te veel gemorskos en suiker is ongesond vir jou. Gesonde kos voed jou brein. Daarom moet jy elke dag drie gebalanseerde etes eet.



Gereelde oefening gee jou meer energie. Dit keer ook dat jy vet word. Dit is dus nodig dat jy gereeld fisiese aktiwiteite doen.



Lees of doen kreatiewe dinge in jou vrye tyd. Dit is beter vir jou as om te veel televisie te kyk of om op jou selfoon te wees.



Swak higiëne veroorsaak dat siektes versprei. Bad of stort gereeld en was jou hande voor elke ete. Dit sal help dat jy nie siek word nie.



Dit is baie gevaarlik om drank en dwelms te misbruik. Vermy dit eerder. Dit kan jou baie siek maak. Jy sal dan ook nie mooi na jouself kyk nie.



10

[Verwerk uit howtolivewell.co.za]


TOTAAL AFDELING B:

AFDELING C: TAALSTRUKTURE EN -KONVENSIES

VRAAG 3: ADVERTENSIE

Lees en bestudeer die advertensie (TEKS D) hieronder en beantwoord die vrae.

TEKS D



(3.7) Die beste onderwyser in die land!

(3.8) Maak seker dat jy voorbereid vir die eksamen is!


(3.9) Meneer Botha leer baie kinders.

3.1	Wie is die teikengroep van hierdie advertensie?	(1)
3.2	Hoe trek die adverteerder die leser se aandag na die opskrif?	(1)
3.3	Gee die AFKORTING van "meneer".	(1)
3.4	Maak die spelfout in die sin reg.	
	Skryf better opstelle!	(1)
3.5	Kies die KORREKTE antwoord tussen hakies.	
	Die leesteken aan die einde van die sin is 'n (vraagteken/uitroepteken):	
	Verbeter jou punte!	(1)
3.6	Gee die KORREKTE VORM van die woord tussen hakies.	
	Kry die (hoog) punte in jou klas!	(1)
3.7	Die beste onderwyser in die land!	
	Is hierdie stelling 'n FEIT of 'n MENING?	
	Motiveer jou antwoord.	(1)
3.8	Maak seker dat jy voorbereid vir die eksamen is!	
	Skryf EEN WOORD neer wat die adverteerder in hierdie sin gebruik om direk met elke leser te praat.	(1)
3.9	Skryf die hele sin in die LYDENDE VORM oor.	
	Meneer Botha leer baie kinders.	
	Begin só: Baie kinders	(1)
3.10		
	Waarom pas hierdie prent by die advertensie?	(1) [10]

VRAAG 4: SPOTPRENT

Bestudeer die spotprent (TEKS E) hieronder en beantwoord die vrae.

TEKS E



[Verwerk uit Volksblad, 6 Januarie 2016]

4.1 Kies die korrekte UITROEP tussen hakies.

(SIESTOG/HOERA), BOETA IS DEUR!!

(1)

4.2 Skryf die sin in die INDIREKTE REDE oor.

Ma sê: "Die matriekuitslae is bekend."

Begin só: Ma sê dat ... (1)

4.3 Boeta is deur!!

Gebruik die woord "deur" in 'n sin sodat dit 'n ANDER BETEKENIS het. (1)

4.4 Kies die KORREKTE antwoord tussen hakies.

As Boeta dink, WHATEVER... wys hy dat hy (opgewonde is/nie belangstel nie). (1)

- 4.5 Hoe kan ons uit die spotprent aflei dat die gesin partytjie hou omdat Boeta geslaag het? Noem TWEE dinge. (2)
- 4.6 Kyk na die hond. Hoe kan ons aan die hond sien dat hy/sy lekker saam met die ander dans? (1)
- 4.7 Skryf EEN WOORD uit die sin neer wat vir ons sê dat Sussie dink haar boetie is oulik:

My boetie is koel ... want hy is deur! (1)

4.8 VERBIND die sinne met die woord tussen hakies.

Boeta lê op die bank. Die gesin dans. (terwyl) (1)

4.9 Kies die KORREKTE antwoord. Skryf net die vraagnommer (4.9) en die letter (A–D) neer.

Die gesin is **in die wolke** omdat Boeta matriek geslaag het.

Dit beteken dat die gesin baie ... is.

- A bly
- B dronk
- C vriendelik
- D bekommerd

(1) **[10]**

VRAAG 5

5.1 Lees die teks (TEKS F) hieronder en beantwoord die vrae.

TEKS F: LEESTEKS


	KINDERS HERWIN EN SPAAR
1	Op Hermanus is daar 'n unieke, klein (5.1.1) <u>winkel</u> by 'n kleuterskool.
2 3 4	(5.1.2) (<u>Elke week</u>) maak kinders rommel bymekaar. Hulle (5.1.3) (<u>bere/bêre</u>) dit in swart sakke. Hulle neem dit (5.1.4) (<u>winkel toe</u>) (<u>op 'n Woensdagmiddag</u>) (<u>entoesiasties</u>).
5 6 7	Dié projek is (5.1.5) <u>15</u> jaar gelede deur mev. Marilyn van Velden begin. Sy het eers uit die kattebak van (5.1.6) (<u>hom/haar/sy</u>) motor gewerk. Nou werk sy uit die kleuterskool se (5.1.7) <u>motor+huis</u> .
8 9 10 11 12	Die sakke is amper net so (5.1.8) <u>klein</u> soos die kinders, maar hulle sleep dit agter hulle aan. Sonder (5.1.9) gevra word, staan die kinders dadelik in 'n ry. Hulle wag dat die sakke op 'n skaal (5.1.10) (<u>gemeet/geweeg</u>) word. Die kinders kry dan kaartjies met punte (5.1.11) (<u>met wat/waarmee</u>) hulle iets in die winkel kan koop.
13 14	Die kinders is nie selfsugtig (5.1.12) Hulle koop gewoonlik iets soos (5.1.13) (<u>rys/reis</u>) of seep vir die res van die gesin.
15 16	Hierdie projek leer kinders van herwinning en om die (5.1.14) <u>omgewing</u> op te pas. [Verwerk uit <i>Die Burger</i> , 22 Oktober 2016]

5.1.1	Gee die VERKLEININGSVORM van "winkel". (Reël 1)	(1)
5.1.2	Gee EEN WOORD vir die woorde tussen hakies. (Reël 2)	
	(Elke week) maak kinders rommel bymekaar.	(1)
5.1.3	Kies die korrekte SPELLING tussen hakies. (Reël 3)	
	Hulle (<u>bere/bêre</u>) dit in swart sakke.	(1)
5.1.4	RANGSKIK die woorde tussen hakies in die korrekte VOLGORDE. Skryf die hele sin oor. (Reël 3–4)	
	Hulle neem dit (winkel toe) (op 'n Woensdagmiddag) (entoesiasties).	
	Begin só: Hulle neem dit	(1)
5.1.5	Skryf die GETAL <u>15</u> in woorde. (Reël 5)	(1)
5.1.6	Kies die korrekte VOORNAAMWOORD tussen hakies. (Reël 6)	
	Sy het eers uit die kattebak van (<u>hom/haar/sy</u>) motor gewerk.	(1)

5.1.7	Gee die korrekte SAMESTELLING van "motor+huis". (Reël 7)	(1)
5.1.8	Gee die ANTONIEM van "klein". (Reël 8)	(1)
5.1.9	Voltooi die INFINITIEF. Skryf die hele sinsdeel oor. (Reël 9)	
	Sonder gevra word	(1)
5.1.10	Kies die KORREKTE woord tussen hakies. (Reël 11)	
	Hulle wag dat die sakke op 'n skaal (gemeet/geweeg) word.	(1)
5.1.11	Kies die KORREKTE woord(e) tussen hakies. (Reël 12)	
	kaartjies met punte (<u>met wat/waarmee</u>) hulle iets in die winkel kan koop.	(1)
5.1.12	Vul die ONTBREKENDE woord in. (Reël 13)	
	Die kinders is nie selfsugtig	(1)
5.1.13	Kies die KORREKTE woord tussen hakies. (Reël 14)	
	Hulle koop gewoonlik iets soos (<u>rys/reis</u>) of seep vir die res van die gesin.	(1)
5.1.14	Verdeel die woord "omgewing" volledig in LETTERGREPE. (Reël 15)	(1)

5.2 Lees die teks (TEKS G) hieronder en beantwoord die vrae.

TEKS G: PRENT



[Bron: www.nationwideeducation.co.uk]

Kies telkens die KORREKTE antwoord tussen hakies.

5.2.6	Daar staan baie (emmers/blikke) met verf oral rond.	(1) [20]
5.2.5	Daar staan 'n (beil/byl) langs die deur.	(1)
5.2.4	Die besem hang (agter/tussen) die tuinskêr en die saag.	(1)
5.2.3	Daar lê 'n paar (spykers/naalde) op die werkstafel.	(1)
5.2.2	Die (leer/trappies) staan teen die muur.	(1)
5.2.1	Die werkskamer se deur is (oop/toe).	(1)

TOTAAL AFDELING C: 40

AFDELING D: LETTERKUNDE

Beantwoord SLEGS die vrae oor die boek wat jy behandel het, dit wil sê, VRAAG 6 OF VRAAG 7.

VRAAG 6: BLADSAK - Lucas Malan

Beantwoord die vrae oor AL TWEE verhale.

VERHAAL A: "TOM" (20)

EN

VERHAAL B: "STOKVEL OP 'N PLAAS" (20)

VRAAG 6

VERHAAL A: "TOM" – Jeanne Goosen

Lees die uittreksel hieronder en beantwoord die vrae.

TEKS H

"Ons het altyd goed wat aangery moet word," sê my broertjie.

"Ag, asseblief tog, man!"

"Dit was buitendien 'n hengse *bargain*," vervolg hy. "Weet jy wat betaal 'n mens vandag vir 'n góéie donkie?"

6.1	Wie het in hierdie uittreksel met die broertjie geraas?	(1)

- 6.2 "Dit was buitendien 'n hengse *bargain*," vervolg hy. (Reël 3)
 - 6.2.1 Hoeveel het die broertjie vir die donkie en die karretjie betaal? (1)
 - 6.2.2 Wat bedoel die broertjie wanneer hy sê dat die donkie en die karretjie 'n "hengse *bargain*" (reël 3) was? (1)
 - 6.2.3 Noem TWEE dinge wat die verteller en die broertjie met die geld kon doen? (2)
 - 6.2.4 Dit was moeilik vir die broertjie om die verteller te oortuig dat die donkie en die karretjie 'n *bargain* was.

Sê waarom hierdie stelling WAAR is. (1)

6.3 Hoekom, dink jy, kan 'n mens sê dat die donkie amper net soos 'n mens was? (1)

17 NSS (Mpumalanga)

- 6.4 Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Die broertjie het die teenwoordigheid van die donkie verdedig.
 - Die broertjie het die donkie gekoop.
 - Die verteller was ontsteld oor die donkie.
 - Die broertjie het sy hande in die lug gegooi asof hy gewen het.

(4)

Lees die uittreksel hieronder en beantwoord die vrae.

TEKS I

... Miskien moet ek hom 'n bietjie meer aanmoedig. Maar aan die ander kant, die ding met die donkie. Hy kon darem eers ...

Die donkie proes weer. Hy druk sy kop innig teen my broertjie se lyf. "Hene, maar ...

"Love at first fright," lag my broertjie.

5

- 6.5 Kies die KORREKTE antwoord. Skryf net die vraagnommer (6.5) en die letter (A–D) neer.
 - "Miskien moet ek hom 'n bietjie meer aanmoedig," (reël 1) beteken die verteller moes ...
 - A die boetie harder laat werk het.
 - B minder foute by die boetie gesoek het.
 - C kwaaier met die boetie gewees het.
 - D die boetie dadelik geglo het.

(1)

Kies die inligting in KOLOM B wat by die karakter(s) in KOLOM A pas. Skryf net die vraagnommer (6.6.1–6.6.4) en die letter (A–E) neer.

	KOLOM A		KOLOM B
6.6.1	Die donkie	Α	was soms moeilik en hardkoppig.
6.6.2	Die vorige eienaar	В	het die gewoonte gehad om krities te wees.
6.6.3	Die broertjie		te wees.
0.0.4	Dia wantallan	С	was opgewonde oor die lewe.
6.6.4	Die verteller	D	het nie 'n goeie hart gehad nie.
		E	het 'n verwaarloosde voorkoms gehad.

 (4×1) (4)

6.7 Hoekom, dink jy, het die donkie sy kop innig teen die broertjie se lyf gedruk? (1)

(1)

(1)

Voltooi die volgende sin deur 'n woord in die lys hieronder te gebruik. Skryf net die vraagnommer (6.8) en die ontbrekende woord neer.

geskok; bly; verbaas

Die broertjie het opgespring en sy hande in die lug gegooi omdat hy ... oor sy oorwinning was.

6.9 Kies die KORREKTE antwoord. Skryf net die vraagnommer (6.9) en die letter (A–D) neer.

'n Les wat ons uit hierdie verhaal kan leer, is dat ...

- A 'n mens mooi moet dink voordat jy iets duurs koop.
- B dinge wat verwaarloos is, nog goed kan werk.
- C 'n mens 'n argument kan wen as jy logies redeneer.
- D die ouer kinders na die jonger kinders in 'n gesin moet kyk.
- 6.10 Hoe, dink jy, sou die verhaal geëindig het as die broertjie nie vir elke vraag van die verteller 'n goeie antwoord gehad het nie. (1)

EN

VERHAAL B: "STOKVEL OP 'N PLAAS" - Justice L Makete

Lees die uittreksel hieronder en beantwoord die vrae.

TEKS J

Baba Dlamini is al besig met die slagding. Dis 'n spekvet Dorper afkomstig van die aangrensende plaas. Die goed is deesdae ontsettend duur, mompel hy soos hy sy okapi in sy sak steek.

Hy wat Lwandi is, is besig om die ingewande skoon te maak. Die vuurtjie knetter al so heerlik by die kookplek. Dis boekenhout daardie, merk Baba Dlamini 5 op, lekker sterk, gloeiende kole! Die moerkoffieketel staan al gereed daarby.

... Hulle kom van heinde en verre. Die gesette suurgesig Sis Vera en haar uitgeteerde, verwaarloosde man is eerste aan die beurt, ...

6.11 Op watter plaas speel hierdie kortverhaal af? (1)

- 6.12 Watter tyd van die maand word die stokvel gehou? (1)
- 6.13 Noem TWEE soorte drank wat Sis Dudu, die buurvrou, gemaak het. (2)
- 6.14 By die stokvel is lede en nielede dieselfde behandel.

Sê waarom hierdie stelling ONWAAR is. (1)

6.15 Voltooi die volgende sin deur 'n woord in die lys hieronder te gebruik. Skryf net die vraagnommer (6.15) en die ontbrekende woord neer.

oggend; middag; aand

Die formele deel van die byeenkoms het in die ... begin.

(1)

6.16 Kies die KORREKTE antwoord. Skryf net die vraagnommer (6.16) en die letter (A–D) neer.

"Die **gesette** suurgesig Sis Vera en haar **uitgeteerde**, verwaarloosde man ...", (reël 7–8) is 'n voorbeeld van ...

- A 'n vergelyking.
- B kontras.
- C 'n metafoor.
- D personifikasie.

(1)

6.17 Hoekom, dink jy, was die stokvel 'n goeie ding in hierdie gemeenskap?

(1)

Lees die uittreksel hieronder en beantwoord die vrae.

TEKS K

Teen twee-uur se kant is die *mokiti* by sy hoogtepunt. Die plek wemel van die plaasvolk. Die gumba-gumba blaas en blêr dat dit gons. Dis Thandeka, Lazarus Kgagudi, Condri Siqubu, Mercy Phakela, Dollar Brand, Pure Gold, Ubokothela, Zama-Zama, Chico Twala en Brenda se weekend special plate wat te hore is. Mampoer, klip-lekker en Lieberstein is al kop toe. Dis bump to bump!, sak 5 die pomp kind!, fuduwa! (skud jouself), twist en shine!, lejara, amapantsola en die ritteltit!

- 6.18 Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Die bejaardes het hulle eie partytjie gehou.
 - Die stokvelgangers het begin intrippel.
 - Die skurke het gekom en moeilikheid gemaak.
 - Almal het gehelp met die voorbereidings.

(4)

6.19 Hoekom pas die titel so goed by die verhaal?

(1)

Kies die inligting in KOLOM B wat by die karakter in KOLOM A pas. Skryf net die vraagnommer (6.20.1–6.20.4) en die letter (A–E) neer.

	KOLOM A		KOLOM B
6.20.1	Sipho Dlamini	Α	het 'n klomp kinders saamgebring.
6.20.2	Mandevu	В	het die geldsake beheer.
6.20.3	Antie Lena	С	het gaan hulp soek toe die bakleiery uitbreek.
6.20.4	Thabiso		
		D	het nie van werk gehou nie.
		Е	het die bakleiery beëindig.

 (4×1) (4)

- 6.21 Hoe, dink jy, sou die stokvel verloop het as daar geen drank was nie? (1)
- 6.22 Kies die KORREKTE antwoord. Skryf net die vraagnommer (6.22) en die letter (A–D) neer.

Malaita het moeilikheid by die stokvel gemaak; dus ...

- A moes hy die kontrei verlaat.
- B moes hy baie lank in die tronk sit.
- C het die stokvelgangers hom hard geslaan.
- D het die honde maalvleis van hom gemaak.
- 6.23 Waarom kan ons sê dat die verhaal positief eindig? (1)

[40]

(1)

VRAAG 7: PERDEKRAG - Cecilia du Toit

Lees die uittreksel hieronder en beantwoord die vrae.

TEKS L

Wilma	(Die klank van 'n kar wat nadergery kom, toet en stop.) Dis seker nou hulle. Gaan jy aan. (Wilma regs af. Binki kyk hoe	1
l willia	Wilma wegstap en loop dan vinnig uit die stal. Sy begin weer om die	
	saal te olie. Wilma op, gevolg deur Lucky.)	_
l	Dis nou Lucky. Lucky, dis nou Binki.	5
Lucky	(Knik vir Binki.) Jis.	
Binki	Hallo.	
Wilma	Jy kan my Wilma noem. Daardie perd is Tinkerbelle. En hierso is Lady Jane.	
Lucky	(Hy maak of hy gaap.) Big deal.	10
Wilma	Jy moet maar dadelik begin. Gaan hang jou sak in die stoorkamer. (Sy beduie.) Ek sê, gaan hang jou sak daarso.	
	(Lucky ignoreer haar, haal sy selfoon uit en begin om daarop te tik. Binki bly selfbewus besig met die saal.) ***	
Lucky Binki	Ek gaan flippenwil dood wees voor my tyd om is. Jou tyd?	15
\\\/:!====	Llou ton on an activity to wood Niemand disk in it areals are Dreet	
Wilma	Hou tog op om so kru te wees. Niemand dink jy is snaaks nie. Praat van perdemis. Jy kry nie middagete voordat jy nie alles weg het na die hoop daar anderkant die stalle nie.	

7.1	In hierdie toneel bevind Lucky hom by die ryskool.		
	7.1.1	Wat is die naam van die ryskool waar hierdie toneel afspeel?	(1)
	7.1.2	Aan wie het hierdie ryskool behoort?	
	7.1.3	Kies die KORREKTE antwoord tussen hakies.	
		Lucky se (onderwyser/prokureur) het hom by die ryskool afgelaai.	(1)
	7.1.4	Waarom het hierdie spesifieke persoon vir Lucky by die ryskool afgelaai?	(1)
7.2		die volgende sin deur 'n woord in die lys hieronder te gebruik. Skryf vraagnommer (7.2) en die ontbrekende woord neer.	

Lucky het gemaak of hy gaap, want hy wou wys dat hy ... die situasie was.

mod	eg vir; verveeld met	; opgewonde oor	(1)
-----	----------------------	-----------------	-----

7.3 Waarom is dit gepas dat Lucky die Engelse woorde "Big deal" gebruik? (1)

7.4	"Jy moet maar dadelik begin." (Reël 11)					
	Noem TV	VEE dinge wat Wilma vir Lucky gegee het om te doen?	(2)			
7.5	Waarom was dit verkeerd van Lucky om Wilma te ignoreer?					
7.6		Kies die KORREKTE antwoord. Skryf net die vraagnommer (7.6) en die letter (A–D) neer.				
	Binki was	Binki was selfbewus (reël 14) omdat sy				
	B nie C vir d	eky nie geken het nie. gewoond was aan die perde nie. die eerste keer die saals moes skoonmaak. geweet het hoe om hierdie konfliksituasie te hanteer nie.	(1)			
7.7	"Ek gaan	"Ek gaan flippenwil dood wees voor my tyd om is. " (Reël 15)				
	7.7.1	Na watter tyd het Lucky verwys?	(1)			
	7.7.2	Hoe lank sou hierdie tyd wees?	(1)			
7.8	Kies die I	KORREKTE antwoord tussen hakies.				
		a sê Lucky moet ophou om kru te wees (reël 17), bedoel sy, hy moet n (lelike woorde te gebruik/die hele tyd te kla).	(1)			
7.9	Kies die KORREKTE antwoord. Skryf net die vraagnommer (7.9) en die letter (A–D) neer.					
		"Jy kry nie middagete voordat jy nie alles weg het na die hoop daar anderkant die stalle nie." (Reël 18–19)				
	Hierdie w	Hierdie woorde van Wilma is 'n voorbeeld van				
	B mai	reotipering. nipulering. tydigheid. roelstaal.	(1)			

7.10 Kies die inligting in KOLOM B wat by die karakter in KOLOM A pas. Skryf net die vraagnommer (7.10.1–7.10.4) en die letter (A–E) neer.

	KOLOM A		KOLOM B
7.10.1	Lucky	Α	is elegant en rustig.
7.10.2	Wilma	В	hou nie van kontak met ander mense nie.
7.10.3	Binki		
		С	is streng, maar het 'n goeie hart.
7.10.4	Lady Jane	D	is oulik en parmantig.
		Е	sukkel om na ander te luister.

 (4×1) (4)

- 7.11 Dink jy die manier waarop Lucky vir Binki gegroet het (reël 6), wys dat hy goeie maniere het? Motiveer jou antwoord. (1)
- 7.12 Lucky wou nie by Wilma-hulle wees nie en het daarom nie die situasie goed hanteer nie.

Hoe, dink jy, moes Lucky eerder hierdie situasie hanteer het? (1)

Lees die uittreksel hieronder en beantwoord die vrae.

TEKS M

P		
Lucky Wilma Lucky Wilma	(Begin om Lady Jane se stal uit te hark.) Die lewe is nie fair nie. Nee, dit is nie. Maar jy maak jou eie probleme. Kyk net hoe stir ek die shit, hoe meng ek die mis. Jy is nogal 'n goeie miskruier. ***	1
Wilma Lucky Wilma	Ek bly besig. Jy is darem nie so besig soos Binki se ma nie. (Lag.) Niemand is so besig soos Binki se ma nie.	5
Lucky	My ma het baie tyd vir my. Dis een ding wat ons armes baie van het. Tyd. As ons armes maar net ons tyd kon verkoop het. Dit sal nou regte timeshare wees. (Hulle lag vir sy grap.) Jy het baie tyd vir Binki, nè.	10
Wilma	Dis maklik om vir Binki tyd te hê.	
Lucky	Jip, dit lyk so. (Aarsel.) Antie? Kan ek jou iets vra?	
Wilma	Noem my Wilma.	
Lucky	No way. Ek kan nie.	15
Lucky	***	10
Lucky Wilma	Dis al? Hy val en toe val jy? Hy het sy been gebreek. My skouer was uit lit uit. Ons het daar gelê tot dit lig word. Die val het my nugter geskok, maar hy – Ek het by hom bly lê. Hy was in verskriklike pyn en angs. Dit het vir ure en ure	20
	en ure aangehou. Die veearts moes hom skiet – maar later eers. Daar was nie genade vir Grace nie.	20

7.13	"Maar jy maak jou eie probleme." (Reël 2)					
	Wat het Lucky verkeerd gedoen dat die magistraat hom gestraf het?	(1)				
7.14	Kies die KORREKTE antwoord. Skryf net die vraagnommer (7.14) en die letter (A–D) neer.					
	"Jy is nogal 'n goeie miskruier." (reël 4) is 'n voorbeeld van					
	A ironie. B kontras. C 'n metafoor. D 'n vergelyking.	(1)				
7.15	Lucky vergelyk sy ma met Binki se ma.					
	7.15.1 Watter werk het Binki se ma gedoen?	(1)				
	7.15.2 Watter werk het Lucky se ma gedoen?	(1)				
	7.15.3 Noem TWEE dinge van sy ma se werk waaroor Lucky baie ongelukkig was.	(2)				
7.16	Kies die KORREKTE antwoord. Skryf net die vraagnommer (7.16) en die letter (A–D) neer.					
	(Lag) in reël 7.					
	Hierdie woord is skuinsgedruk en tussen hakies, want					
	 A dit wys vir die gehoor dat hulle moet lag. B dit beklemtoon die grap wat Lucky gemaak het. C dit wys wat die karakter op daardie oomblik doen. D dit maak die gesprek tussen die karakters interessant. 	(1)				
7.17	Waarom kan ons sê dat die verhouding tussen Wilma en Lucky verbeter het?	(1)				
7.18	Wilma sê: "Dis maklik om vir Binki tyd te hê." (Reël 12)					
	Wat, dink jy, bedoel Wilma met hierdie woorde?	(1)				
7.19	Hoekom wou Lucky nie vir Wilma op haar naam noem nie?					
7.20	Skryf die volgende vier insidente onder mekaar oor in die VOLGORDE soos wat dit in die verhaal gebeur.					
	 Die veearts het die perd geskiet. Wilma het te veel by 'n partytjie gedrink. Die perd het in 'n gat getrap en sy been gebreek. Wilma het vinnig met die perd deur die veld gejaag. 	(4)				

7.21 "Daar was nie genade vir Grace nie." (Reël 21) Grace beteken genade. Waarom kan ons sê dat hierdie naam nie 'n gepaste naam vir die perd was nie? (1) 7.22 Die titel van hierdie drama pas nie by die drama nie. Sê waarom hierdie stelling ONWAAR is. (1) 7.23 Waarom kan ons sê dat Lucky die lewe by die ryskool vir homself moeilik gemaak het? (1) Dink jy Lucky se naam het by sy omstandighede gepas? Motiveer jou 7.24 antwoord. (1) 7.25 Binki het 'n traumatiese ervaring met haar hond en Lucky met die katjies gehad.

Hoe verskil die twee karakters se optrede teenoor hierdie diere?

TOTAAL AFDELING D: 40
GROOTTOTAAL: 120

(2) **[40]**